

<><><><><><>

एह आकाशवाणी जम्मू ऐ, बड्डलै खबरें च तुंदा सुआगत, पैहले खास-खास खबरें कन्नै में जगमोहन शर्मा।

Headlines

1. पुंछ जिले दे लसाना इलाके च आतंकवादिऐं गी तुप्पी फगड़ने दी कारवाई दरान गोलियां चलने दियां वाजां सनोचियां न, तुपाई अभियान जारी ऐ।
2. उपमुख्यमंत्री सुरिन्दर चौधरी ते मंत्री जावेद डार होरें बाबा साहेब बी.आर.अम्बेडकर हुंदी जन्म जयंति दे मौके पर श्रद्धांजलि भेंट करदे होई भारतीय संविधान दे निर्माण च उंदे योगदान गी चेता कीता।
3. अम्बेडकर जयंति दे मौके पर कल जम्मू नगर निगम ते जम्मू स्मार्ट सिटी लिमिटेड पाससेआ तवि घाट पर बूहटे लाने दा इक अभियान चलाया गेआ। घाट पर सुरजपुत्री तवि आरती हुन बकायदगी कन्नै कीती जाग।
4. उधमपुर च लोआए गेदे देवका बसाखी मेले दे दुए रोज कल बड़ी बद्ध गिनतरी च लोक आए, सांस्कृतिक रंगारंग कार्यक्रमें दा बी आयोजन कीता गेआ।

<><><><><><>

Poonch-CASO

पुंछ जिले दी सूरनकोट तैहसील दे जसाना ग्रां च सुरक्षाबलें आस्सेआ घेरा पाई लैने ते तपाश आली कारवाई दे मगरा आतंकवादिऐं दा पता लाई लैता गेआ ऐ। इक वरिष्ठ पुलिस अधिकारी नै आखेआ ऐ जे जंदी रातीं घटना आली थाहरा पर एह जकीनी बनाने लेई कारवाई कीती गेई जे आतंकवादी नेड़े च नस्सने च कामयाब नेई होइ जान। इलाके च किश आतंकवादिऐं दे होने बारे जानकारी थोने मगरा फौज, पुलिस, एसओजी ते नीम फौजी बलें दी सांझी टीम नैकारवाई करदे होई आतंकवादिऐं कन्नै संपर्क कायम कीता। इस जनसंपर्क अधिकारी कर्नल सुनील बरतवाज होरें आखेआ जे गोलियां चलने बारे थोई दी जानकारी सेई ऐ ते तौले गै होर ब्यौरे गी सांझा कीता जाग।

<><><><><><>

Dy.CM-Ambekar

उपमुख्यमंत्री सुरिन्दर चौधरी होरें कल नौशेहरा च ननियात ते दब्बड़ ग्राएं च दऊं कार्यक्रमें च शिरकत कीती। एह दवै कार्यक्रम बाबा साहेब भीम राव अम्बेडकर हुंदी 135मीं जन्म जयंति दे सिलसिले च लोआए गेदे हे जिस दरान उनें इस महान नेता ते भारतीय संविधान दे प्रमुख निर्माता गी भावें भरोची श्रद्धांजलि दिंदे होई उनेंगी इक कदावर नेता, समाज सुधारक, अव्वल दर्जे दा सियासतदान ते समाजी बरोबरी ते इंसाफ दा अग्रदूत करार दित्ता। उपमुख्यमंत्री होरें लोकें गी इस मौके ममारकबाद ते शुभकामना दिंदे होइ आखेआ जे उंदी जन्म जयंति मनाना इस करियै बी अत्त लाजमी होई जंदा ऐ की जे उंदी बदोलत गै मुखै च इक बरोबरी, समाजी न्याह ते सुरक्षा जकीनी बनी ऐ। बाबा साहेब होरें इस चाल्ली दा संविधान मुखे लेई बनाइयै भारत च सब्बने लेई इक बरोबर दे अधिकारें दी पक्की बवस्था कीती।

<><><><><><>

Dy.CM-Public Darbar(byte)

उपमुख्यमंत्री सुरिन्दर चौधरी होरें नौशेहरा दे लाम ग्रां च जनता दरबार लाया ते आम लोकें दी शकैतें ते विजिब मसलें गी सुनेआ। समाज दे बक्ख-बक्ख तबकें दे लोक इस जनता दरबार च शामिल होए। लोकें मूजदांचे दे विकास ते बुनियादी सहूलतें सरबन्धी मुद्दें पुट्टे। उपमुख्यमंत्री होरें आखेआ जे जनता दरबार नां दड़ा लोकें दी शकैतें गी पुट्टने दा मंच ऐ सगुआं शासन च भागीदारी दे साढ़े धेइयै दा इक

झलक ऐ। एह्दे कोला पैह्ले उपमुख्यमंत्री होरें कालाकोट थमां जम्मू वाया नौशेहरा आली इक बस सेवा गी झंडी दस्सियै शुरू कराया। इस मौके पर उनें आखेआ

<><><><><><>

Javed Dar-Ambedkar

राई—बाई ते ग्रामीण विभाग मंत्री जावेद अहमद डार होरें डॉ. बी.आर.अम्बेडकर होरें गी श्रद्धांजलि भेंट कीती। सांबा दे बड़ी ब्राहमणा च लग्गे दे इक प्रोग्राम च मंत्री होरें आखेआ जे डॉ. बी.आर.अम्बेडकर होरें भारत दे सब्बने कोला बड़्डे समाज सुधारक हे ते भारतीय संविधान दे रचियता हे। एह् प्रोग्राम डॉ. बी.आर.अम्बेडकर एजुकेशनल सोसायटी आस्सेआ लोआया गेदा हा। इस प्रोग्राम च बड़ी मती गिनतरी च लोक शामिल होए।

<><><><><><>

Plantation Drive

भारत रत्न डॉ. भीमराव रामजी अम्बेडकर हुंदी 135मीं जन्म जयंति मनादे होई जम्मू नगर निगम नै जम्मू स्मार्ट सिटी लिमिटेड कन्नै रलियै कल तवि रिवर फ्रंट दे खब्बे कंडे बूहटे लाने दा अभियान चलाया। इस प्रोग्राम नै सिविल अधिकारी, पर्यावरण सरबंदी वॉलंटियर ते मकामी लोक बड़े उत्साह कन्नै शामिल होए। जम्मू नगर निगम दे कमीशनर ते जम्मू स्मार्ट सिटी लिमिटेड दे मुख् कार्यकारी अधिकारी डॉ. देवांश यादव होरें इस अभियान दी अगुवाई कीती।

डॉ. देवांश यादव होरें इस मौके आखेआ जे सूरजपुत्री तवि आरती हुन नियमित तौरा पर करोआई जाया करोग। चेचा करियै औंदी श्री अमरनाथें दी यात्रा दरान, जदूं लक्खां बद्धे लोक मुख् दे बक्ख—बक्ख हिस्सें थमां ते बाहरले मुख् थमां बी औंदे न।

<><><><><><>

ते हुन बाकि दिएं खबरे कन्नै जगमोहन शर्मा।

<><><><><><>

Udhampur

उधमपुर च देविका नदी दे पवित्र कंडे पर आयोजित ऐतिहासक देविका बसाखी मेने दे दुए ध्याड़े सांस्कृतिक समारोह दा सरिस्ता कीता गेआ। सूचना ते जनसंपर्क मैहकमे दे जिला केन्द्र आस्सेआ इक बड़्डा सांस्कृतिक प्रोग्राम लोआया गेआ, जेह्दे च इलाके दी सांस्कृतिक विरासत गी दस्सेआ गेआ। इस प्रोग्राम गी दिखने लेई बड़ी मती गिनतरी च लोक किट्टे होए। मकामी कलाकारें ते विद्यार्थिएं लोक नाच ते डोगरी संगीत दे प्रोग्राम पेश कीते। डीडोसी मिंभरें पंचैरी जसवीर सिंह होर इस मौके पर मुख् परौहने दे तौर पर शामिल होए।

<><><><><><>

Rana Udhampur Visit

जलशक्ति मैहकमे दे मंत्री जावेद अहमद राणा होरें कल प्रेस क्लब उधमपुर दा दौरा लाया ते उत्थें मीडिया दे मिंभरें कन्नै गल्लबात करदे होई मंत्री होरें लोकें पर असर पाने आले समाजिक मुद्दें गी लेइयै पत्रकारिता दी महत्त्वै आली भूमका दा जिक्र कीता। उनें पत्रकारें गी पत्रकारिता दी नैतिकता ते सिद्धांतें गी बनाई रखने दी अपील कीती ते एह् जकीनी बनाने लेई आखेआ जे हाशियै पर पेदे ते वंचित लोकें दी बुआज गी सुनेआ जा। उनें महत्त्वै आले मुद्दें पाससै ध्यान नुआने लेई मीडिया दी कोशशें दी तरीफ कीती ते शासन च पारइर्शिता ते जवाबदेही गी बढ़ावा देने च अपनी निगरान दी भूमका जारी रखने लेई पत्रकारें गी प्रेरित कीती।

<><><><><><>

Dogri Santha

डोगरी संस्था जम्मू आस्सेआ 2025 ब'रे दा प्रो. राम नाथ शास्त्री मैमोरियल अवार्ड डोगरी दे नामवर कवि ते संगीतकार ब्रिज मोहन होरें गी दित्ता गेआ ऐ। करण नगर स्थित डोगरी भवन दे कुवंर वियोगी ऑडीटोरियम च लोआए गेदे इक समारोह दरान डोगरी संस्था दे प्रधान पदमश्री ललित मंगोत्रा हुंदी मजूदगी च उनेंगी एह सम्मान दित्ता गेआ। ब्रिज मोहन होरें केई मशहूर गीत लिखे दे न ते केइएँ दा संगीत बी तैआर कीते दा ऐ

प्रो. रामनाथ शास्त्री अवार्ड उनेंगी उंदी पैहली कताब, कविता संग्रह "मनै दे आले" लेई दित्ता गेआ ऐ। इस सम्मान च प्रो. रामनाथ शास्त्री हुंदे परिवार आलें दी तरफा इक मनेटो, इक शाल, प्रशस्ति पत्र ते 21 जहार रपे नकद दित्ते जंदे न।

<><><><><><>

Ramban Agri Deptt.(byte)

राई—बाई ते एहदे कन्नै जुड़े दे होरें क्षेत्रें दे उद्यमिणं गी तकनीकी सैहयोग समर्थन ते नमें ढंगै सरिस्ते बारे जागरूक बनाने लेई मैहकमा राई—बाई रामबन सराहने जोग कम्म करा करदा ऐ जेहदे बड़े शानदार नतीजे सामने आवै करदे न। जिले दे मूल इलाके च ऐकती खुम्बें दी सदा थमां मती पैदावार होई ऐ ते इस कम्मं नै जुड़े दे उत्पादकें गी शैल मनाफा होआ करदा ऐ ते इआं इस्से करियै मुमकिन होई सकेया ऐ की जे मैहकमे नै उनेंगी खुम्बें दी रड़ करने कोला लेइयै तैआर होई जाने पर उसी खुंडने, किट्ठा करियै पैक करने ते बजारें तोड़ी पजाने दी सारी प्रक्रिया दे बारे च जानकार बनाई दित्ते दा ऐ जेहदी बदोलत खुम्ब उत्पादक शैल पैहे बट्टा करदे न ते मनाफा बी खट्टा करदे न। प्रशासन दा आखना ऐ जे ओ प्रमुख राई—बाई दे इलावा करसानें गी एहदे नै जुड़े दे होरने कम्मं च मुलव्वज करना चाहदा ऐ तां जे उनेंगी बाद्धू औंदन होई सकै। इस बारे आकाशवाणी कन्नै गज्ज करदे होई रामबन दे सब—डिवीजनकृषि अफसर नवीन कुमार होरें दस्सेआ

<><><><><><>